

Na osnovu člana 14. stav 3. Zakona o sjemenu i sadnom materijalu šumskih i hortikulturnih vrsta drveća i grmlja ("Službene novine Federacije BiH", br. 71/05 i 8/10), federalni ministar poljoprivrede, vodoprivrede i šumarstva donosi

PRAVILNIK
O UVJERENJU O PORIJEKLU SJEMENA I O SADRŽAJU, OBLIKU I NAČINU
VOĐENJA EVIDENCIJE O IZDATIM UVJERENJIMA O PORIJEKLU SJEMENA

Član 1.

Ovim Pravilnikom se propisuju obrazac uvjerenja o porijeklu sjemena i sadržaj, oblik i način vođenja evidencije o izdatim uvjerenjima o porijeklu sjemena.

Član 2.

Ovaj pravilnik se usklađuje sa Direktivom vijeća Evropske unije o stavljanju na tržište šumskog reproduktionog materijala broj 1999/105/EZ od 22.12.1999. godine u dijelu koji se ona na isti odnosi, kao i Preporukom Komisije Evropske unije broj:2012/90/EU od 14.2.2012. godine o smjernicama za prezentaciju informacija za identifikaciju pošiljki šumskog reprodukcijskog materijala i informacijama koje sadrži dokument ili deklaracija dobavljača.

Član 3.

Nakon obavljenog stručnog pregleda proizvodnje sjemena, proizvođač podnosi zahtjev ovlaštenoj ustanovi iz člana 13. stav 3. Zakona o sjemenu i sadnom materijalu šumskih i hortikulturnih vrsta drveća i grmlja ("Službene novine Federacije BiH", br. 71/05 i 8/10) (u daljnjem tekstu:ovlaštena ustanova) da izvrši analizu sabranog sjemena i izda uvjerenje o porijeklu sjemena.

Član 4.

Uvjerenje o porijeklu sjemena izdaje se za:

- a) sjeme sa sjemenskih stabala i iz sjemenskih sastojina na obrascu P1 koji se nalazi u Prilogu broj 1 ovog pravilnika i čini njegov sastavni dio;
- b) sjeme iz sjemenskih plantaža i roditeljskih stabala na obrascu P2 koji se nalazi u Prilogu broj 2 ovog pravilnika i čini njegov sastavni dio;
- c) reprodukcijski materijal koji potiče od klonova i klonskih smjesa na obrascu P3 koji se nalazi u Prilogu broj 3 ovog pravilnika i čini njegov sastavni dio.

Član 5.

- (1) Ovlaštena ustanova vodi evidenciju, u pisanom i elektronskom obliku, o uzorcima sjemena koji su mu dostavljeni radi utvrđivanja porijekla, o rezultatima obavljenih analiza i o izdatim uvjerenjima o porijeklu sjemena na obrascu EV1 koji se nalazi u Prilogu broj 4. ovog pravilnika i čini njegov sastavni dio.
- (2) Evidencija iz stav (1) ovog člana se vodi po registrovanim proizvođačima sjemena i za svaki sjemenski objekat posebno.
- (3) Ovlaštena ustanova dostavlja evidenciju iz stava (1) ovog člana, u pisanom i elektronskom obliku, zajedno sa kopijom izdatih uvjerenja o porijeklu sjemena,

Federalnoj upravi za šumarstvu najkasnije do 31. marta tekuće godine za prethodnu godinu, a po potrebi i više puta.

Član 6.

- (1) Analiza sjemena se vrši na uzorku koji se sastoji od jedne šišarke po stablu sa kojeg je šišarka sabrana, ili sjemena sabranog i neobrađenog sa svakog stabla po 100 grama za sitnije sjeme, a kod hrasta i bukve na uzorku od 100 komada potpuno zdravih sjemenki. Uzorak se posebno pakuje i evidentira.
- (2) Uzorak za analizu za četinare, hrast i bukvu se sakuplja sa najmanje 50 stabala, a za plemenite lišćare i voćkarice najmanje sa 10 stabala.
- (3) Ukoliko uzorak zadovoljava uslove iz st. (1) i (2) ovog člana izdati će se uvjerenje o porijeklu.

Član 7.

Stupanjem na snagu ovog Pravilnika prestaje primjena Pravilnika o sadržaju i načinu izdavanja uvjerenja i obliku, sadržaju i načinu vođenja evidencije o porijeklu sjemena („Službene novine Federacije BiH“ broj 16/07).

Član 8.

Ovaj Pravilnik stupa na snagu narednog dana od dana objavljivanja u "Službenim novinama Federacije BiH".